



2002/06/20ko prentsa-oharra

EZKONTZEN ESTATISTIKA (EZKE)**2001eko 4. hiruhilekoa**

2001EKO AZKEN HIRUHILEKOAN, EZKONTZAK %13,7 JAITSI ZIREN, AURREKO URTEKO ALDI BERAREN ALDEAN

2001. urtean zehar bildutako datuekin, %6,5en beherapena egiaztatzen da, 2000. urtean ospatutako ezkontzen aldean

2001. urtean, Euskal AEko biztanleen ezkontza-kopurua 9.706ra iritsi da. Euskaditik kanpo ospatutako ezkontzei buruzko daturik ez dugularik, aurreko urtean baino 680 ezkontza gutxiago ospatu dira, Eustaten datuen arabera. Ezkontza zibilen kopurua 2000n baino handiagoa da, eta guztizkoaren %33 hartu dute.

2001eko laugarren hiruhileko horretako 1.936 ezkontzetan, bizilekua Euskal Autonomia Erkidegoan duten 1.862 gizonezko eta 1.915 emakumezko ezkondu dira. Senarren artean, 1.737k (%93,3k) lehen ezkontza izan dute; 16 alargun eta 109 dibortziatu berriro ezkondu dira. Lehen aldiz ezkonduetako emakumezkoen ehunekoa gizonezkoenari gailentzen zaio: emakumezkoen artean, 1.788 ezkongai (%93,4), 18 alargun eta 109 dibortziatu ezkondu ziren.

Hiruhileko horretan zertxobait gutxitu da ezkontza zibilen kopurua, aurreko urteko aldi beraren aldean, eta 2000ko 827tik 2001eko 800ra pasa dira. Bestalde, ohi denez, urteko azken hilabete horietan udako hilabeteetan (%26,9) baino ezkontza zibilen kopuru handiagoa (%41,3) izaten da, urteko 10 ezkontzatik 4 ospatzen baitira.


Senar-emazteak ezkongaien adinaren arabera banatuz gero, 2001eko laugarren hiruhilekoan, senarren %66,8k 30 urtetik gora zituen; emazteen artean, berriz, ehuneko horrek %50,8 hartzen zuen. Proportzio horiek aurreko urteko hiruhileko berekoak baino altuagoak dira.

2001. urte osoari dagokionez, senarren %62,4 eta emazteen %43,5 30 urte edo gehiagorekin ezkondu ziren. Ehuneko horiek aurreko urtekoak baino altuagoak dira, batez ere emakumeengan, %40ra iritsi baitira; gizonezkoengan, berriz, %61ekoa zen.

	2001eko 4. hiruhilekoa		Aurreko hiruhilekoa (2001eko 3. hiruhilekoa)		Aurreko urteko hiruh. bera (2000ko 4. hiruhilekoa)	
	Kop.	%	Kop.	%	Kop.	%
EZKONTZAK	1.936		3.601		2.244	
Kanonikoak	1.136	58,7	2.706	75,1	1.417	63,1
Zibilak	800	41,3	895	24,9	827	36,9
SENARGIAK	1.862		3.462		2.111	
Ezkongabea	1.737	93,3	3.303	95,4	1.957	92,7
Alarguna	16	0,9	14	0,4	23	1,1
Dibortziatua	109	5,9	145	4,2	131	6,2
EMAZTEGAIK	1.915		3.570		2.123	
Ezkongabea	1.788	93,4	3.414	95,6	1.993	93,9
Alarguna	18	0,9	11	0,3	19	0,9
Dibortziatua	109	5,7	145	4,1	111	5,2

Iturria: EUSTAT

Ezkontzen hilez hileko mugimendua



Argibide gehiagorako, deitu hona:

**Eustat**

Euskal Estatistika-Erakundea / Instituto Vasco de Estadística
 Donostia-San Sebastián kalea, 1 01010 Vitoria-Gasteiz
 Tel:+34-945-01 75 00 Fax:+34-945-01 75 01 E-mail: eustat@eustat.es
 Harremanetarako pertsona: Teresa Remirez de Ganza Zabalo
 Tel:+34-945-01 75 34 Fax:+34-945-01 75 01
 Prentsa-oharrak Interneten: www.eustat.es